

欽定大清會典事例

欽定大清會典事例卷一千八十九

光祿寺

祭祀執事 進爵進胙 監視宰牲 頒胙

進爵進胙。○原定恭遇

親祀

壇

廟。飲福受胙。本寺卿少卿進爵進胙。爵胙案左右。滿漢

署正等官四人專司爵盤。謹案向例由吏部奏派奉爵大臣一人進

爵本寺兼理事務大臣一人進胙自乾隆六十年以後均係兼理寺事大臣一人進爵滿洲

一嘉慶八年奏明請以漢卿滿漢少卿以次恭

奏派或即照現行事例奉
旨照現行例遵行在案。○嘉慶二十年

諭各

壇

廟祭祀俱係光祿寺堂官捧進福酒福胙現在該寺總理秀堃少卿舒英均有服制著派吏部右侍郎佛柱暫捧福酒俟該寺堂官敷用時再行請旨。○又

諭現在光祿寺滿堂官已不乏人嗣後各

壇

廟福酒福胙差使毋庸佛柱捧進。○二十二年

親祀

先農壇。本寺堂官不敷恭捧酒胙。奏請

簡派奉

旨。著派成格。二十三年。

親祀

方澤。本寺堂官不敷恭捧酒胙。奏請

簡派奉

旨。著穆彰阿捧福酒。道光九年。

雩祭。本寺堂官不敷恭捧酒胙。奏請

簡派奉

旨。此次

常雩大祀。光祿寺恭捧福酒福胙。止鐵麟一人。著添派

廉敬。

監視宰牲。○乾隆四年奏准。

壇

廟祭祀。太常寺咨取監宰官。本寺派署正一人赴宰牲

所。會執事官監宰牲。瘞毛血。○十七年奏准。凡

壇

廟大祀宰牲。增光祿寺卿一人監視。謹案現在監宰牲官係本寺典簿專

司

頒胙。○恭遇祭祀頒胙。本寺豫辦胙單。分行各

衙門持單赴祭所支領。惟掌儀司係撥役送交。
凡大祀

圓丘

方澤

社稷壇。宗人府內閣各十斤。六部。理藩院。都察院。通政
使司。大理寺。樂部。京畿道各七斤。太常寺。鑾儀
衛。詹事府。順天府。太僕寺。光祿寺。鴻臚寺。六科
五城各五斤。翰林院

起居注。國子監。太醫院。欽天監。中書科各四斤。內
務府。掌儀司。牲俎半分。祭

太廟

歷代帝王廟宗人府內閣各二十斤。六部理藩院都察院通政使司大理寺樂部京畿道各十五斤。太常寺鑾儀衛詹事府順天府太僕寺光祿寺鴻臚寺六科五城各十斤。翰林院起居注國子監太醫院欽天監中書科各七斤。內務府掌儀司牲俎一分。

筵席 滿席 漢席 奠筵 誦經供品

滿席○一等席用麩百二十斤。紅白饊支三盤。餅餌二十四盤。又二碗乾鮮果十八盤。二等席

用麩百斤。品數與一等席同。三等席用麩八十斤。紅白餛飩三盤。棋子四椀。麻花四盤。餅餌十六盤。乾鮮果十八盤。四等席用麩六十斤。紅白餛飩三盤。棋子四椀。麻花四盤。餅餌十六盤。乾鮮果十八盤。五等席用麩四十斤。品數與四等席同。六等席用麩二十斤。紅白餛飩三盤。棋子二椀。麻花二盤。餅餌十二盤。乾鮮果十八盤。

萬壽聖節。元旦朝賀。凱旋。公主郡主成婚。各燕。皆用四等席。燕朝鮮國進貢正副使。西藏達賴喇嘛。班禪額爾德尼貢使。除夕。

賜下嫁外藩公主暨蒙古王公台吉等饌筵皆用五等席每席用熟鷄一。

經筵講書行聖公來朝及朝鮮進貢押物等官越南琉球暹羅緬甸蘇祿南掌等國貢使都綱喇嘛番僧來京各燕皆用六等席每席用熟雞一惟經筵用熟鷄一乳酒每瓶十斤黃酒每瓶十五斤乳茶以筭計筵席茶酒數目均照禮部劄辦送○滿一等席價銀八兩二等席七兩二錢三分四釐三等席五兩四錢四分四等席四兩四錢三分五等席三兩三錢三分六等席二兩二錢六分

分。○乾隆二十五年奏公主初定禮暨成婚筵
燕次數奉

旨。嗣後固倫公主著筵燕二次和碩公主著筵燕一次
並載入會典著為例。○三十五年議准凡遇和碩格
格等嫁於外藩有成婚筵燕一次謹將筵燕牲
隻茶酒數目會同酌定下嫁朝臣郡主成婚設
燕五十席酒五十瓶羊三十六隻茶五十簞縣
主設燕四十席酒四十瓶羊二十七隻茶四十
簞郡君設燕三十席酒三十瓶羊二十一隻茶
三十簞縣君設燕二十席酒二十瓶羊十七隻

茶二十簞。鄉君設燕十六席。酒十六瓶。羊十四隻。茶十六簞。下嫁外藩郡主。縣主。成婚。設燕三十六席。酒三十六瓶。羊三十六隻。茶二十八簞。郡君設燕三十席。酒三十瓶。羊二十四隻。茶二十簞。縣君鄉君設燕二十四席。酒二十四瓶。羊二十一隻。茶十八簞。○三十七年議准。遇年節除夕。安南國正副使。共漢羊五。魚三十。酒三瓶。行人通事。共漢羊二。各魚一。隨從人等。共給席三。鶩一。雞一。酒一瓶。茶一簞。○三十九年議准。凡遇年節除夕。固倫公主額駙。科爾沁土謝圖。

汗親王等。各給席四。豬一。雉三十。魚三十。茶二
筩。和碩公主額駙等。各給席三。豬一。雉二十。魚
二十。茶二筩。郡王和碩額駙等。各給席三。豬一。
雉十五。魚二十。茶一筩。縣主多羅額駙。縣君固
山額駙。公主子孫等。各給席一。豬一。雉五。魚五。
茶一筩。親王。各給席四。漢羊一。魚五。茶一筩。台
吉塔布囊等。各給漢羊一。魚五。歸化城參領佐
領等。每二人共漢羊一。各旗送羊酒來京官員。
每二員共漢羊一。進貢來京官員等。各肉四斤。
喀爾喀額魯特之首領官等。各給漢羊一。其餘

官員。每二員共漢羊一。達賴喇嘛。班禪額爾德尼等來使。各給漢羊一。

漢席。○一等漢席。每席肉饌蒸食果實三十四器。二等席肉饌蒸食果實三十一器。三等席肉饌蒸食果實二十六器。又上席。高卓陳設寶裝花一座。肉饌蒸食果實二十六品。矮卓陳設豬肉羊肉各一方。魚一尾。中席。陳設寶裝花一座。肉饌蒸食果實二十一品。羊肉一方。魚一尾。○凡文武會試考官出闈燕。用漢席。主考。知貢舉等官。用頭等席。同考官。監試御史。提調官。用二

等席。內簾外簾。收掌四所。及禮部光祿寺鴻臚寺太醫院各執事官。用三等席。

實錄會典等書告成

賜燕。與出闈燕同。文武

殿試讀卷等官飯卓用漢席。每人日給二餐。每席肴饌八椀。糕餅四盤。乾果八盤。酒一斤。午餐去糕。易鮮果一盤。閱卷之末日。午餐加寶裝花一座。鶩肉一盤。餅餌一盤。小菜四碟。進士給二餐。朝餐。人給湯一椀。饅頭四。午餐。人給餅四。梨二。茶一巡。文進士

恩榮燕。主席大臣讀卷執事各官用上席。進士用中席。武進士會武燕。主席大臣讀卷執事各官用上席。鳴贊司務廳等官及進士用中席。所用品物各按時價覈銷。○乾隆三十九年奏准。向來經筵禮成。在

協和門筵燕一次。二十九年議請停止。今仍遵旨舉行。其卓張掾於

文華殿東西配殿內陳設。應與燕人員。在彼祇領。○四十年奏准。會試入場出場。主考同考。知貢舉。副都統。監試。外簾暨各衙門執事官。筵燕簪

花例內並未載有席數。本年會試主考等官應設頭等席十一。同考監試參領提調等官應設二等席三十六。俱毋庸議減。惟承辦造冊等官應酌留二等席二十六。外簾等官應酌留三等席二十七。其場外執事各官席悉行酌減。○五十二年奏准。

經筵筵燕文武會試筵燕歲暮節

賞王公大臣等卓張所用雞鴨鵞隻悉行裁汰。至皇子成婚公主下嫁禮筵奉

旨著交膳房備辦。○五十四年奏

殿試文進士及

朝考應給果餅奉

旨裁汰。○同治十一年九月。

大婚禮成舉行

太和殿筵燕本寺恭備四等卓八十四張酒三十
二瓶

奠筵。○供備奠筵。曰近前饌筵。曰隨筵。曰午奠
筵。近前饌筵及午奠筵。俱據掌儀司來文備辦
物料。由內管領成造。惟

貴人

皇子福晉喪禮。本寺按例造辦。近前饌筵用麩一百二十斤。午奠筵用麩八十斤。

列聖

列后大事。隨筵用一等席。

皇貴妃隨筵用二等席。

貴妃

妃

嬪隨筵用三等席。

貴人隨筵用四等席。

皇太子隨筵用二等席。

皇子親王。郡王福晉隨筵用三等席。公主隨筵用
四等席。常在。答應。女子。奠筵俱用五等席。均由
本寺造辦。

誦經供品。○僧道誦經造辦供品。凡僧道各四
十八人對壇誦經。按大例中例小例供備。僧道
各二十四人對壇誦經。照小例覈減供備。道士
四十八人建壇誦經。照一壇小例供備。大例供
品共六百九十二碗。中例小例供品六百二十
八碗。小例覈減供品五百四十碗。禪僧四十八
人建壇誦經。按大例中例供備。大例供品共三

百二十一。碗中例供品二百八十九。碗喇嘛誦經應用果供。鑪食等品。均照禮部來文如數備辦。○僧道禪僧誦經齋筵。凡僧壇道壇。

佛前供獻。每日用素饌二席。取水供獻。每次用素饌一席。請

神供獻。每次用素饌一席。禪僧誦經。

佛前供獻。每日用素饌三席。監經官。每餐。人各素饌一席。十二器。執事各官。每餐。二人合素饌一席。由寺備供。喇嘛僧道等所需齋食。各折價給銀。大喇嘛。日給銀四錢五分。文贊德木齊。日給

銀三錢。衆喇嘛日給銀一錢五分。掌印僧道官日給銀三錢九分。僧道官日給銀二錢六分。衆僧道日給銀一錢三分。鋪排日給銀九分。鼓手日給銀六分五釐。步軍日給銀四分。如有薰壇各給七日半齋銀。○又定承辦漢席及祭筵卓飯。誦經供品齋食。應用茶役廚役蒸鍋匠黏果匠挖鑪匠均計工給值。每工一錢五分。其

中正殿等處喇嘛誦經。造辦飯食。應用廚役工值。據掌儀司來文數目覈給。○乾隆三十九年奏准。後黃寺每年正月初八日起。四百衆喇嘛念

經八日。嗣後照各處喇嘛念經之例。將齋食茶乳折給銀兩。大喇嘛三十四衆。每衆日給銀四錢五分。文贊德木齊六十四衆。每衆日給銀三錢。散衆喇嘛三百二衆。每衆日給銀一錢五分。並行文理藩院。於應用時。造具清冊。赴寺支領。

供用

供用蔬菜
兔魚鮮

供用豬及
乳茶

供用肉

供用禽
米麩等物

供用酒醴

供用鹽茶等物

供用乳酒酥油

供用果實

供用羊及
飴蜜醃

醬等物

供用蔬菜。

奉先殿薦新。芸薹菜。苜蓿菜。蘿蔔。茄子。黃瓜。香瓜。西瓜。

由大官署辦送。奠筵所需香瓜。西瓜。鮮菜。各據所司移付給發。朝鮮。越南。琉球。西洋。暹羅。緬甸。蘇祿。南掌。及吐魯。番。俄羅斯。諸國。貢使。內藥房。醫生。通曉。天文。之。西洋人。每日廩給所用蔬菜。據禮部劄欽。天監。太醫院。來文。給發。

供用豬及豬肉。○設行戶一人。和買。每豬五十斤。內用。給價三兩一錢五分。外用二兩五錢小豬三錢九分。豬肉。內用。每斤六分五釐。外用。每斤五分。豬油。內用。每斤五分二釐。外用。每斤五分。蹠。每斤二分八釐。心。肺。每副二分八釐。肝。每

皇帝

皇后應用子鷩新雞均由珍羞署備送。○十三年定膳房應用雞鴨等物每月分三旬給銀俟膳房開數覈銷。

供用乳茶。○設茶長一人。熬茶蒙古十一人。給地七百二十畝。熬茶一箇。用黃茶一包。鹽一斤。乳油二錢。牛乳一錫每錫重三斤八兩。黃茶於戶部移取。牛乳於良醞署移取。鹽於掌醞署移取。熬茶器四於工部移取。○慶典筵燕用茶。

經筵講書。除夕給下嫁外藩公主蒙古王等筵席迎

送下嫁外藩公主蒙古王等迎送出征大將軍
經略達賴喇嘛貢使五日給筵席朝鮮等諸國
貢使除夕給筵席各有

賜茶並

陵寢致祭乳茶均據禮部劄內務府來文備送

供用米麩等物。設行戶一人和買。飛羅麩每
斤四分九釐。一等麩每斤二分五釐。二等麩每
斤二分二釐。三等麩每斤一分六釐。秬米每石
二兩二錢。小米每倉石一兩五分。小黃米每石
一兩三錢。赤小豆每倉石八錢。白豆每倉石一

兩一錢。蕎麥糝每倉石一兩二錢。

萬壽聖節筵燕用紅白織支大小餅餌酥油棋子各
二十盤。文武會試

賜燕用寶裝花大中小錠大中小饅頭糖包子蒸餅
雞鶩夾皮餅圓酥餅白花餅醃魚粉湯均由珍
羞署備送。○行聖公來京達賴喇嘛朝鮮等國
貢使廩給用麩據禮部劄各館糶糊用麩據各
館來文給發。○乾隆五十二年奏凡承辦差務
需用麩斤向照例價採買嗣因例價不敷採辦
請交順天府訪報時價覈銷奉

旨。令光祿寺行文戶部領取倉貯麥石。自行磨麩。毋庸
另採。又奏准承辦餽餽卓張。交順天府咨報時價
覈銷。嘉慶三年議准領取戶部麥子。每倉石
腳價錢三十四文。磨工錢四百文。除出玉麩九
十四斤七兩一錢一分。其麩麩十四斤。黑麩十
二斤。應照時價覈算抵給磨工腳價之費。四
年奏准餽餽卓張酌定頭等卓張銀十兩。二等
卓八兩。三等卓六兩。四等卓五兩。五等卓四兩。
六等卓二兩八錢。

供用酒醴。設酒局房二十四間於

西安門內酒匠六名。酒尉二名。每歲春秋二次釀造。旨酒黃酒。每糯米一石。釀旨酒九十斤。用玉泉山水。加淮麴七斤。豆麴八斤。花椒八錢。酵八兩。用箬葉四兩。麻三兩。每糯米一石。釀黃酒一百三十斤。用井水。加淮麴八斤。豆麴五斤。八兩。花椒八錢。酵八兩。用箬葉四兩。麻三兩。各用鐙油四兩。麴箬葉。麻。椒。於掌醢署移取。米。於戶部移取。煤炭。罈。瓮等物。於工部移取。其黃酒糟粕。每米一石。得燒酒二斤。存局備用。又設燒酒行戶一人。和買燒酒。每斤二分一釐。

萬壽聖節。用乳酒燒酒黃酒。由良醞署辦送。筵燕祭祀用酒。朝鮮國貢使給黃酒。據禮部劄給發。朝鮮貢使黃酒。每壺重一斤八兩。祭祀筵燕所用乳酒。每瓶十斤。黃酒燒酒。每瓶十五斤。兼用乳酒一瓶者重三斤。禮部劄取用黃酒燒酒若干瓶者。給乳酒一瓶。餘用黃酒燒酒各半。其止用酒一瓶者。給燒酒一瓶。致祭蒙古王等用燒酒。據禮部劄折價。交往祭官採買應用。祭祀用旨酒。據太常寺來文給發。每瓶重一斤十二兩。用福酒二瓶。每瓶重二斤。雍正元年增一瓶重十八兩

供用乳酒酥油。○設行戶一人和買乳酒。內用按斤交送。每斤五分。外用按錠交送。每錠一錢。酥油每斤銀一錢八分。

大內所用牛乳

壽皇殿等處所用酥油。據內務府來文開數覈銷。喇嘛誦經用乳酒。據內務府來文給發。每碗重一斤。於膳房取用。

陵寢用酥油乳餅。據

陵寢禮部來文給發。朝鮮等國各貢使廩給用牛乳酥油。據禮部劄給發。

供用羊及羊肉。○設行戶一人和買。每羊價銀一兩三錢。羊肉內用。每斤五分五釐。外用。每斤四分七釐。羊肝腸。每斤二分四釐。胃。每箇四分。腸。每副一錢五分。○文武會試。

賜燕。羊腔。前號羊肉酒。均由良醞署備送。除夕。

賜來京朝賀之朝鮮。越南。琉球。西洋。暹羅。緬甸。蘇祿。南掌。吐魯番。俄羅斯等國貢使。及歸化城副都統。參領。佐領。蒙古各旗。進羊酒官。喀爾喀。額魯特。來京之首領官。護衛。台吉。塔布囊。達賴喇嘛。正副使。拉穆札木巴。噶布楚。從人等。給羊羊肉。

陝西岷州入貢喇嘛廩給羊肉。

盛京禮部差送

陵寢祭品。

盛京吉林黑龍江將軍遣貢水陸土產各官役。

盛京喇嘛來京領香徒衆均給羊肉十日。打牲烏

拉貢人。漢及東珠各官。赫哲費雅喀庫爾喀虎

爾哈瓦爾哈等部落鄉長來京娶婦。給羊肉二

十日。歸併上三旗滿洲蒙古佐領之額魯特護

軍驍騎從役。給羊肉一月。索倫薩哈勒察虎爾

哈庫爾喀部落進貢貂皮等物官兵丁壯諸國

貢使通事官從人每日廩給羊肉。新滿洲移家來京。計口給羊肉三年。朝鮮諸國貢使歸程廩給羊折銀。均據禮部劄給發。鷹房所用羊肉。據內務府來文給發。○乾隆十三年定。尚膳房應用羊肉。據膳房來文開數覈銷。○四十四年奏准。

武英殿等處拜唐阿匠役等分例羊肉。向由內務府慶豐司交出殘老羊隻。本寺領出散給。今因肉斤有餘。請將內務府殘老羊隻。交左右翼變價歸款。

供用鹽茶等物。康熙初年定。長蘆鹽運使解送青白正耗鹽。甄鹽儲庫備用。○九年題准。嗣後每年移取長蘆青白鹽三萬斤。甄鹽二千斤。○十三年定。庫存鹽斤數用。停其解送。折價交戶部。○又奏准。造木架三座。將完整甄鹽收存。其碎者煎成白鹽備用。凡煎白鹽一斤。用青鹽三斤。需用木柴三斤。於工部移取。○祭祀用甄鹽。犧牲所養牲食鹽。據太常寺來文。

陵寢祭祀用青白甄鹽及釀酒鹽麩等物。據

陵寢奉祀禮部來文。內藥房醫生給鹽。據太醫院來文。

筵燕上墳致祭。每席用靛鹽六錢。及內外館駱駝食鹽均各據所司來文。

盛京將軍禮部吉林將軍送土物官役。

盛京寶勝等寺喇嘛來京領香。給鹽十日。打牲烏拉進人漫東珠各官。赫哲費雅喀等部落鄉長來京娶婦。給鹽二十日。歸併上三旗佐領之額。魯特護軍驍騎及從役。給鹽一月。新滿洲移家來京。計口給鹽三年。索倫進貂皮官兵壯丁。給鹽達賴喇嘛貢使從人。朝鮮諸國貢使通事官從人。給鹽及蠟燭。行聖公來京用黃蠟燭。宰牲

用羊油燭。上墳致祭用靛鹽。均據禮部來劄。鐘鼓樓等處支更。用時辰香。據兵部欽天監來文。鹽茶由本署支發。香蠟燭移文戶部取給。○乾隆三十五年覆准。長蘆鹽政。每年應解交青鹽三萬斤。靛鹽二千斤。儲庫備用。今本寺現存尚數應用。將長蘆應解鹽斤。照例折價交戶部。○道光十七年奏准。每年的增靛鹽四百斤。存庫備用。○同治五年奏准。自本年為始。於定額靛鹽二千四百斤外。酌增靛鹽六百斤。○光緒五年奏准。每年的酌增靛鹽三百斤。由長蘆鹽運使

於每年夏季同定額。輒鹽三千斤。一併解送寺庫。

供用果實。飴蜜醃醬等物。○凡果實。昌平州歲解榛四石。栗四石。懷柔縣歲解榛四石。五斗。每倉石榛作八十斤。栗作一百二十斤。圓眼荔枝作六十五斤。乾葡萄作一百四十五斤。○設果園地四十二頃五十六畝。徵銀儲庫。以充和買鮮果之用。設行戶一人承辦。橙價銀五分。橘柑四分。朱橘白桃。紅桃石榴二分。李杏花紅三釐。柿八釐。頻果三分。檳五釐。黃梨波梨一分五釐。

紅梨棠梨一分三釐。核桃一釐。青梅橘餅天茄
香圓片。天門冬。銅綠。每斤一錢一分。桂圓。鳳枝。
北源茶。海蔘。鱈魚。每斤三錢。荸薺。薺。白果。梔子。蕨
菜。每斤五分。荔枝。龍眼。瓜仁。白飴糖。細桃仁。冰
糖。大料。青筍。鹿角菜。海帶菜。英額麩。每斤一錢。
紅梅片。蜜漬瓜。蜜漬橙。鹿筋。東磨菇。盆糖。細酸
蝦米。紅棉花。纒。每斤一錢二分。松仁。每斤三錢
五分。長生果。白蜜。每斤一錢六分。沙魚翅。海粉。
每斤六錢。紅花水。香草。每斤二錢五分。白果仁。
豆麩。花椒。建蓮肉。茶食。乾葡萄。麒麟菜。每斤八

分。桃仁海蜇黃蜜松子白糖茴香每斤七分。紅
蜜蓮肉紅花菜蘇木芝麻酥櫻桃鮮葡萄每斤
六分。紅棗鮮藕閉甕菜土鹹麻每斤二分。蘇纏
麻纏引酵箬葉洗芝麻十香菜酸梅瓜子菱米
金鍼菜每斤四分。八寶糖杏仁每斤九分。淮麩
醃黃瓜醬菜醬茄每斤三分。醬瓜水粹菜膠棗
椿水筍豆豉水豆粉每斤二分五釐。豆纏梨麩
飴糖粟每斤三分五釐。鮮蓮每斤二分七釐。柿
餅每斤二分二釐。紫菜紫粉蜜餞山裏紅蒲黃
每斤二錢。榛仁每斤九分一釐。大纏每斤七分

二釐。玫瑰每斤四分二釐。小磨香油每斤六分
五釐。蘇油五分八釐。燈油每斤四分四釐。羊油
燭每斤五分五釐。曬棗每斤二分六釐。鮮薑每
斤四分六釐。粉皮每斤九釐。盤醬每斤一分二
釐。醋每斤八釐。木耳胡椒每斤一錢五分。水粉
每斤九釐。醬薑每斤七分。醬荳豉每斤一分八
釐。醃菜每斤四釐。清醬每斤二分二釐。乾豆粉
每斤四分五釐。黑糖每斤三分六釐。豆芽每斤
四釐。靛花每斤一錢四分。銀硃每斤四錢六分。
豆腐每斤六釐。豆辦每斤七釐。麩筋每斤二分

八釐。紅麴每斤九分六釐。芝蔴每倉石二兩。紅
胭脂每張一分。飛金每帖五分七釐。蒜每箇一
釐。豆腐皮每張一釐六毫。豆腐乾每塊五釐。米
糕每塊三釐。黃粉鍋渣每箇八釐。頭絹花每朵
一分。寶裝花每座八分。果套每箇八分。梳每箇
三分。南紅紙每張二分二釐。插果花每朵四釐。
更香每束四分。

萬壽聖節筵燕用八寶糖。冰糖。大纏榛栗。柿。曬棗。龍
眼。鮮葡萄。核桃。頻果。黃梨。紅梨。棠梨。蜜餞。山裏
紅。山葡萄。糕。枸杞糕。乾梨。麩。豆粉糕。文武會試

賜燕用大寶裝花小絹花果品小菜米糕。據禮部劄
兵部來文備送。

奉先殿用蕨菜。

壽皇殿用龍眼荔枝葡萄纏糖及一應乾鮮果。據內務
府來文開數覈銷。行聖公來京用果品朝鮮等
國貢使廩給用乾鮮果及醃菜乾菜香油燈油
醬醋均據禮部劄給發。○乾隆四十三年奏准
內廷應用糖斤歸內務府採辦。

收支款項

戶部支款
奏銷

菜園地賦

果園地

戶部支款。○康熙五十三年定。每年二次題請

戶部銀六萬兩。儲庫備用。○五十九年議准各行戶名下。自三十七年至五十二年所欠借銀除奉

旨著淮安泲墅二關監督代還銀二十一萬兩外。尚欠銀十五萬五千五百四十一兩有奇。於各行戶應領銀內每兩扣留五分。歲終覈交戶部。以還欠項。○雍正二年議准。題請戶部銀六萬兩。如不敷用。奏請添領廣儲司內庫銀二萬兩。儲庫備支。○六年奏准。每銀千兩。扣八兩五錢。作為平餘。○十二年奏准。各行戶人等應領銀兩。照

市平給發。每銀千兩。酌定平餘銀二十二兩。儲
庫備用。年終覈算報銷。○乾隆八年奏准。平餘
銀以八分入正項。以二分存充公用。○十一年
奏准。每年題請戶部銀六萬兩。積年餘贖。現存
銀四萬六千二百餘兩。足支半年備用之款。今
歲春夏二季。應領戶部銀三萬兩。暫行停止。俟
秋冬二季。應領銀三萬兩。再行題請。○十三年
奏准。舊商積欠。除扣還外。尚未完銀六萬餘兩。
嗣後銀每兩扣留二分五釐。○十七年奏准。存
充雜用之二分平餘銀。因不敷用。准於入正項

八分內撥給三百兩接濟。○十九年奏准於八分平餘銀內撥銀三百兩存充雜用。○二十七年奏准豬雞二行交與膳房辦理。每年應領戶部銀六萬兩。內本寺支領三萬兩。膳房支領三萬兩。其本寺所領銀三萬兩。內平餘銀六百餘兩。作為本寺公用。如有餘贖暫行存儲。俟積至一千兩。奏明歸入正項。○三十八年奏准每年題請戶部銀三萬兩。歷年餘贖現存銀二萬二千三百餘兩。足敷半年備用之數。今歲秋冬二季應領銀一萬五千兩。應行停止。俟次年春夏

二季應領銀一萬五千兩。再行題請。○四十三
年奏准。果行交與內務府辦理。每年應領戶部
銀三萬兩內。撥銀八千兩。由內務府自行赴部
支領。其本寺所領二萬二千兩。照例按季具題
支領。○又奏准。公主格格分例裁汰。每年酌減
銀二千兩。於本寺歲支銀內扣除。每年額領戶
部銀二萬兩。按例具題支領。○五十二年奏准。
每年酌減採買乳油銀二千八百餘兩。於本寺
歲支銀內扣除銀三千兩。每年額領戶部銀一
萬七千兩。按春秋二次具題支領。○嘉慶十七

奏准。

壽皇殿等處添用乳油。每年增添銀一千五百兩。共額領戶部銀一萬八千五百兩。○道光二十六年奏准。每歲兩次請領戶部銀一萬八千五百兩。內減四千兩。以節經費。○又奏准。每歲辦公向於額領戶部銀兩項下。每千兩扣出平餘銀二十二兩。以資支用。現在領項既經覈減。所有扣出平餘亦復無多。於辦公益形支絀。其雜款不敷銀兩。即於大官掌醢二署地租銀六百零二兩內撙節動用。○咸豐二年奏准。每年應領銀

一萬四千五百兩外。加添用乳油銀六千兩。共領銀二萬五百兩。遇閏月加銀五百兩。仍按春秋二季赴部支領。○十一年題准扣除乳油銀三千兩。每年實領銀一萬七千五百兩。仍按春秋二季支領。每季領銀八千七百五十兩。遇閏加銀二百五十兩。○同治元年奏准。本年春秋二季應領造酒江米共一百八十石。戶部以倉存米石不敷支放。按照例價每石折銀一兩八錢放給。如不敷採買。本寺於每年庫存備用年規月款銀兩內。撙節墊發。○五年奏准。每年春

秋二季支領戶部銀一萬七千五百兩。咸豐十一年以來均按五成放給。而除夕節賞等項。係動支十成實銀。所領五成銀兩。不敷備辦。自本年春季起。於每年額領銀兩外。每季加領節賞等項實銀二千兩。○又奏准自本年秋季起。每季加領乳油牛乳實銀一千八百兩。○十一年奏准自次年春季起。每季加領供應羊肉實銀一千三百兩。○十三年奏准承辦差務。按照例價發給實銀辦理。

菜園地賦。○菜園地畝。每歲額徵銀一百七十

九兩四錢五分。由大官署徵收。付送本寺銀庫。歸入正項。按事支用。額設菜園頭九名。凡祭祀筵燕應用鮮菜。由園頭供備。所需價值。於應徵地畝銀內覈實扣抵。

果園地賦。○果園地四千二百五十六畝。每畝歲徵銀一錢。共額徵銀四百二十五兩六錢。由掌醮署徵收。付送本寺銀庫。歸入正項。按事支用。額設總園頭二名。魯家灘園頭二名。園丁四十五名。鳳河營園頭八名。園丁十八名。葡萄園頭二名。園丁八名。

奏銷。康熙十年定。每年夏季。將一年出納及舊管新收開除實在銀數。繕造黃冊題銷。○雍正五年奏准。每歲徵收果園地租。隨時酌買鮮果。彙入歲終總冊奏銷。○七年奏准。果園地租銀。造入新收項下。彙入總冊奏銷。○又奏准。每月將內外用過銀數。繕造黃冊奏銷。○又奏准。採買鮮果。均照覈減價值。歸入月冊奏銷。○十三年奏准。青鹽百斤。准酒耗三斤。甄鹽百斤。准酒耗一斤八兩。統於年終奏銷。○又奏准。果園地租。及黃茶。天池茶。榛栗鹽酒。乳酒。黃蠟。應用。

應存。並移取戶工二部米麥布棉柴炭煤冰等數彙入年終總冊題銷。○乾隆二年奉

旨。年終月奏。將一年用過銀數彙總繕摺奏聞。○四年奉

旨。年終奏摺。將上年用過銀數別繕奏片進呈。

器物 大官署庫存器物 珍差署庫存器物 良醞署酒局器物 銀庫庫存器物

大官署庫存器物。○原存方卓五十九條。卓一百十四。策卓四百十七。紅油卓五百六十一。紅油高卓二。金漆高卓一。奠卓一。○乾隆十五年。工部送造卓三十。卓圍一百七十三。金漆椅三

百二十一椅墊同。木架三十一。○四十五年。將舊存策卓二百五十八張。咨交工部。另造策卓二百五十張備用。○四十六年。將舊存之方卓一字卓椅子。咨交戶部。另造方卓三十張。一字卓一百張。椅子一百把。○嘉慶六年。議准。因會試中式士子額數加增。移咨工部。添造策卓四十張。又於回殘策卓內。揀留三十二張。動支本寺平餘銀兩。修整備用。○同治十三年。咨准。原存策卓二百九十張。續據工部。添造策卓六十張。共存策卓三百五十張。

珍羞署庫存器物。○原存白瓷龍壺四。白瓷龍盤三。白瓷爵三。白瓷龍瓶一。龍盒一。龍槓一。御仗一。柎木匣六。冰桶一。羊角鐙一。錫酒漏一。小龍盒一。黃雲緞旗二。黃雲緞黃布裏袂一。黃雲緞黃綾裏袂二。黃雲緞單袂三。黃布繪龍袂一。遜衣號帽綠紬帶各十六。紅布二百四十五疋。白布九十八疋。○乾隆十三年奏准。纏卓布疋。向來移取戶部河南大布。嗣後遺失賠補。令照官價交納戶部。以杜調換之弊。○三十六年奏准。會試入場。出場。及

恩榮會武等燕需用盤碗工部委員送交時令本寺
派員照數查收其文武會試責成禮兵二部派
員稽察燕畢由禮兵二部派員會同本寺官逐
一點查交還即有破碎每一百箇不得過四五
箇之數如有逾額即著辦燕各官分別賠補

良醞署酒局器物○原存錫鍋一錫罐二錫提
一錫漏一絹袋四十甌單一大小缸三十二鐵
鍋一鐵缸一鐵甌篋一鐵掀三鐵杓二通條一
火鈎一火柱一石碾一大小桶十六米架一米
斛一木甌一木槽二天盤二木窄六木掀七窄

桶六。大小爬六。擡槓六。秤二。

銀庫庫存器物。○原存金酒盆二。鍾十。大執壺二。小執壺二。臺盞二副。以上金器十八件。計重六百十三兩八錢五分。銀酒盆十二。鍾百五十。勺三。大執壺二。小執壺十九。大罐二。臺盞十三。副茶桶五十。以上銀器二百五十一件。計重四千五百九十二兩七錢。銅盤九千六百二十。有二碗八百九十八。盛肉盤二百七十三。鹽碟一百七十八。○乾隆二十八年奏准本寺用過布疋酒醴等項。向例俱於每年六月內彙冊奏銷。

其庫存金銀銅器應造入冊內一體開列具奏
如有齎送

陵寢備用及交回者並於冊內聲明○二十九年奏准
嗣後恭遇

巡幸應行致祭之處所有應備器皿乳酒俱由茶膳
房帶往敬謹豫備

欽定大清會典事例卷一千九十

順天府

職掌

建置 考察升補 講約 經理錢穀
畫界分治 整頓 錢法 豫備公事

恭役 和雇 施恤

建置○

國初於

京師置順天府為正三品衙門設府尹一人丞一人兼提督學政銜治中三人管糧通判馬政通判軍匠通判各一人推官一人經歷一人知事一人照磨一人檢校一人司獄一人崇文門分

司副使一人。儒學漢教授一人。漢訓導六人。京
衛武學教授一人。訓導二人。大興縣京縣知縣
一人。縣丞一人。主簿一人。典史一人。巡檢三人。
慶豐。牘牘官一人。張家灣宣課司大使一人。庫
大使一人。遞運所大使一人。宛平縣京縣知縣
一人。縣丞一人。主簿一人。典史一人。巡檢四人。
廣源。牘牘官二人。○又定。順天府領京縣二縣
外。兼領近京通州。昌平。涿州。霸州。薊州。五州。良
鄉。固安。永清。東安。香河。三河。武清。漚縣。寶坻。順
義。密雲。懷柔。房山。文安。大城。保定。玉田。豐潤。遵

化平谷二十縣。○順治二年。裁京衛武學訓導二人。○三年。裁大興宛平二縣主簿各一人。○又裁儒學漢訓導四人。○六年。裁治中二人。軍匠通判馬政通判各一人。改管糧通判為糧馬通判。○十三年。裁宛平縣屬廣源牘牘官一人。○十六年。省涿縣地入通州。○康熙四年。裁儒學訓導二人。○六年。裁推官一人。知事一人。檢校一人。○十五年。升遵化縣為州。仍領於順天府。○又復設儒學訓導一人。京衛武學訓導一人。○二十六年。設東西南北四路捕盜同知各

一人。○三十八年。裁大興縣遞運所大使一人。
○三十九年。裁庫大使一人。○四十年。裁張家
灣宣課司大使一人。○四十七年。設宛平縣屬
雷家疇熹官一人。○雍正四年。

持簡大臣管理府事。○又改寶坻縣屬之梁城所。置甯
河縣。隸府屬。○三年。改京衛武學為順天府武
學。○四年。裁武學教授訓導官。設順天府滿洲
學教授一人。訓導一人。○又增設宛平縣縣丞
一人。○乾隆元年。奏准。直隸遵化州屬羅文峪
口外之西半壁山。添設巡檢一人。○八年。升遵

化州為直隸州知州。以豐潤玉田二縣屬之。不領於順天府。○十四年定。

欽派大臣一人兼管府尹事務。○十九年奏准治中。通判均係府尹屬員。與各部院司員無異。其本任事務本簡。嗣後將錢糧戶婚田土等事。責成治中。詞訟禮儀及一應雜事。責成通判。俱照部院司員例於各稿面書名畫押。○二十四年定。順天府屬四路同知。向例專司捕盜。各州縣錢糧。已於十九年議准令其兼管。嗣後刑名案件。亦歸審轉。其四路同知關防。改為刑錢捕盜同。

知西路同知稽查水利。並增水利二字。以重職守。○三十八年議准。順天府府尹。府丞。缺出。凡直隸人員。概行聲明扣除。○五十八年議定。順天府現設立學政。專司其事。順天府府丞。僅止申送順天府四路廳所轄各州縣童生。府考。其童生入學之處。仍歸順天學政辦理。所有兼提督學政銜之處。應行刪除。以歸覈實。○六十年定。直隸人迴避。治中員缺。○嘉慶五年奏准。順天府府丞。缺出。漢軍人員一體迴避。○七年

諭。順天府尹。設立專員。管理地方刑名錢穀等事。非如

各部院衙門可比。自應居住官廨。以專責守。如外省督撫藩臬以下等官。皆係在公署居住辦事。即順天府屬之大興宛平等縣亦然。其文書卷案等件。皆應在公署存貯。豈有隨府尹私宅轉移之理。現據該部查明從前各府尹原在府衙居住。自乾隆四十年以後。歷任府尹俱在私宅居住辦事。違例顯然。相沿舊習。姑免查究。嗣後除兼理之尚書侍郎。仍准在宅居住外。其本任順天府尹。著遵照舊例。在署居住辦公。以符體制。○光緒八年奏准建設候質公所於府署頭門。建房屋二十二間。遴派正印委員駐所專

司其事。所有本衙門及兩縣無關罪名應候質訊各人證均於此棲息。各名口應領食米按季咨部。由京倉豫領覈實報銷。所需常年經費每年六百兩。照案由直隸藩庫撥解。

考察升補。○順治十五年題准順天府治中通判等官京察。由府尹填註考語開送部院。○雍正四年定治中通判經歷照磨司獄教授訓導並大興宛平二縣知縣縣丞典史及崇文門稅課大使等官俱由順天府府尹填註考語開送部院。○乾隆二十五年議准大興宛平二縣知

縣縣丞典史等缺出。於通省揀選升補。升署。如一時乏人。由部揀選引。

見補授。並照五城正指揮吏目之例。到任後扣滿三年。直隸總督會同府尹出考。送部引。

見升用。其因公降革留任之案。帶於新任。另請開復。○三十八年議准。順天府屬治中。通判。經歷。照磨。司獄。滿漢教職。歸京察案內。分別去留。保列一等者。一體引。

見其大宛二縣印佐各官。俱歸大計舉劾。由府尹註考。其崇文門副使專理稅務。即令崇文門監督。

出考造冊徑送。毋庸府尹考察。四十八年議
准四路同知所屬捕盜弁兵。按季造冊。開明各
弁兵緝獲盜匪多寡。送順天府就近查覈。年終
會同直隸總督彙奏。分別功過。以示勸懲。其武
弁舉劾及拔補兵丁。亦由該同知申送順天府
查驗後。移咨直隸總督會同辦理。嘉慶十八
年定。所屬州縣官。歸府尹考察升調。光緒六
年議准。嗣後遵化。易州直隸州知州缺出。先以
大宛兩縣知縣酌量揀選升補一次。次以清苑
縣知縣升補一次。又以大宛兩縣知縣酌量揀

選升補一次。再以順屬直屬人員酌量揀選一次。復以大宛兩縣知縣酌量揀選升補一次。至第六缺。以天津縣知縣升補一次。以六缺為一周。其輪應各項到班。如升補之員不合例。即虛積過班。接用其次之班。輪應大宛兩縣。並清苑天津縣知縣升補時。均不計卓異人員。輪應於順屬直屬人員揀選時。如將應升之員請升。先准卓異人員升用。不准於摺內聲稱人地未宜。以別項人員請升。其清苑天津兩縣知縣。如亦係卓異合例應升之員。准其一體酌量升補。不

積清苑天津輪升之班。此外各直隸州知州缺出。仍照定例大宛兩縣升補一次。順屬直屬人員升補二次。升補順屬直屬時。清苑天津與各州縣比較。先儘卓異應升人員升用。○八年議准。順天府四路同知缺出。如輪屆大宛二縣請升時。即按照大宛二縣請升遵化易州直隸州知州定章。由順天府會同直隸總督。按照輪次於該二縣知縣內酌量揀選請升。不計有無卓異。儘該二縣甫經到任。或不得其人。亦仍查照例內專條。先儘順天府屬人員。揀選能駕馭捕

役緝盜有方之員請升。仍毋庸拘定先儘卓異人員定章辦理。如大宛二縣與順天府屬人員人地俱不相宜。再行查照例章。於直屬各員內先儘卓異人員升補。如卓異無合例人員始准以勞績應升人員升補。不積輪升班次。再有缺出。仍於大宛二縣知縣內酌量請升。如已用過大宛二縣輪升之後。接用順天府屬人員請升。應即積順天所屬與直隸間屬人員請升輪次。此外同知各缺。仍照例章覈辦。不得援照辦理。○又議准。嗣後單月運同缺出。京升治中到班。

時仍先用京升先一人。再有缺應用京升時。如京升正班有人。仍照例升選外。如京升正班無人。止有京升先一人。仍作為京升正班。即行升選。○又議准。嗣後直隸遇有應題知府缺出。以應升人員請升時。如順屬直屬同知直隸州知州無卓異合例人員。准直隸總督會同順天府府尹等將奉

旨以應升之缺。升用治中。與順屬直屬勞績應升。及循例應升人員一體酌量升用。

講約。○原定每月朔望令鄉約講讀。

聖諭廣訓。其鄉約由五城大宛二縣訪舉年高有德者。具結送府。由府給劄許用頂戴。○乾隆五十年奏准。

京師為首善之區。內城居住多係旗人。即有土著居民。生於

輦轂之下。於政令禮法。咸所聞知。朔望講讀

聖諭廣訓。自可毋庸辦理。至大宛二縣及五城地方。遠闊。恐鄉愚小民。不克周知。應交順天府隨時轉飭實力奉行。○嘉慶五年

諭。朕於上年曾經降旨。令各省有司。每逢朔望。謹將

聖諭廣訓。剴切宣示。俾小民知所領悟。各地方官自應實力奉行。况京師為首善之區。尤宜先為開導。以期化行自近。嗣後五城順天府大興宛平二縣各官。選舉鄉約耆老。於朔望之日。宣讀

聖諭廣訓。按期講論。毋得視為具文。日久廢弛。以副朕化民成俗至意。○十四年

諭。牧令為親民之官。向例計典屆期。各州縣有能宣講聖諭。實力奉行者。該督撫即列入卓薦之內。原以該員等有教民之責。承流宣化。正藉此以鼓勵進階。乃近年以來。各地方官。歷久懈生。率視為奉行故事。竟至

日形廢弛。所謂化導斯民者何在。嗣後順天府五城所屬地方。並各直省督撫所屬州縣。務當飭令一體恪遵舊例。於每月朔望日。傳集城鄉居民。敬將

聖諭各條。曉諭宣讀。行之以實。毋得視為具文。庶民風丕變。治道益臻。上理。○同治四年

諭。我朝雍正年間。頒發

聖諭廣訓。通飭各直省地方官。於每月朔望。剴切宣講。務使鄉曲愚民。咸知嚮善。

列聖相承。諄諄誥誡。不啻再三。朕御極之初。亦經宣諭中外。實力奉行。毋得虛應故事。乃近來州縣官。藐視

舊章。不知講約為何事。以致人心風俗。敗壞滋深。不但鄉里小民。日趨邪僻。竟有身列膠庠。忝然四民之秀。亦竟離經畔道。而肆無忌憚者。世道人心。所關匪細。亟應申明舊例。以示率從。著順天府五城。及各省督撫大吏。嚴飭所屬地方官。選擇鄉約。於每月朔望。齊赴公所。敬將

聖諭廣訓各條。剴切宣示。其距城較遠各鄉。即著該地方官。選擇品行端正紳耆。設立公所。按期宣講。仍由該地方官隨時考察。不得日久玩生。

經理錢穀。○乾隆十三年

諭順天府尹所轄州縣。向例惟大計考覈。會同直隸總督。其餘錢糧事件。皆由總督報銷。朕思府尹有管轄屬員之責。所屬錢糧支用。就近稽察。較之直隸總督。更為親切。自應會同辦理。以杜侵冒。從前定例。殊未妥協。著該部另議更正。欽此。遵

旨議准。嗣後順天府所屬各州縣徵收賦稅。凡酌撥俸餉。留支經費。並一應動支數目。均令各州縣通詳直隸總督府尹。公同稽察。仍於報銷時。互相考覈。會銜具疏。其所屬催科完欠分數。與直隸總督一例考成。○十九年議准。順天府屬各州

縣衛徵收地丁錢糧等項。凡酌撥俸餉。留支經費。並一切動支數目。款項繁多。向隸霸昌通永二道管轄。勢難稽查周密。嗣後責令四路各同知稽查督察。各該同知。每歲每員酌增辦公銀三百兩。並添倉書一。戶書一。將各吏年貌籍貫。著役日期。造冊報部。五年役滿。照例考職。其四路同知。既經管理該州縣錢糧事務。則與知府直隸州體制無異。凡遇州縣錢穀案件。應以各該同知為專理。以霸昌通永二道為兼管。其盤查詳請議處議敘等案。悉照知府直隸州知州

之例。一體遵行辦理。

畫界分治。○雍正十二年議准。

京師東西南北四城。與大興宛平及外州縣地方。犬牙相錯。彼此溷淆。皆由城屬不隨京營汛地管轄。州縣不隨外營汛地管轄之故。嗣後悉照京營舊制。凡城屬地方。有越出京營界外者。就近各歸大宛二縣管轄。大宛二縣地方。有夾雜營界內者。就近各歸四城管轄。各按界址豎立石碑。永遠遵守。○嘉慶十七年。

諭京師乃輦轂近地。地理宜加倍肅清。定制設立步軍統

領衙門五城御史。又有順天府大宛二縣。其所屬營汛司坊兵役牌甲。碁布星羅。百倍於外省。原令其盤詰姦宄。綏靖市廛。乃相率廢弛。致宵小易於潛蹤。轉不若外省之整肅。該管官所司何事。甯不赧然知愧乎。著通諭步軍統領五城順天府督飭所屬。激發天良。各思禁暴戢姦。為職守所當盡。分率兵役嚴密巡查。弭盜安良。俾首善之區。俗靖風淳。勉副朕諄諄訓誡至意。○道光二十三年

諭。現在將屆冬令。天氣漸寒。京師地面。五方雜處。良莠不齊。難保無外來匪徒。潛蹤竊發。該地方文武員弁

及營汛司坊。均有緝捕之責。自應不分畛域。實力查拏。著步軍統領衙門。順天府五城。嚴飭所屬。加意巡邏。如有形迹可疑之人。立即究辦。其堆撥兵房。更棚窩鋪。原所以盤詰姦宄。近來日漸懈弛。以致竊案累累。犯無弋獲。實屬不成事體。務當力加整頓。不准視為緝捕具文。至畿輔一帶。幅員甚廣。即如南苑地方。遼闊四處可通。其緝捕各員。文員係順天府統屬。而武職又係直隸總督管轄。設匪徒溷迹其中。難免此拏彼竄。緝捕之員。亦易互相推諉。欲使畿甸肅清。閭閻靜謐。應如何明定章程。實力稽查之處。著順天府

直隸總督悉心會議具奏。○又

諭。前因冬令天寒。外來匪徒。易致溷迹。降旨令順天府直隸總督。明定章程。實力稽查。茲據該府尹等會議。章程具奏。均著照所議辦理。惟畿輔幅員甚廣。南苑地方遼闊。必須地方文武各員。加倍緊嚴。認真緝捕。方資得力。著順天府直隸總督。與步軍統領衙門。隨時嚴飭所屬。實力整頓。毋得稍形疏懈。

整頓錢法。○道光十八年。奉准。嗣後凡有開設錢鋪。仍照舊由大宛兩縣。查明是否殷實。取具五家互保甘結。如有一家歇業。即令所保之家。

報明。另補一家。如有隱匿不報。查出治罪。設有
關閉錢鋪。無論財主管事人鋪夥。到案先行枷
號。仍勒限兩月。開發票存錢文。如姦商捐有頂
戴。先行咨革。以便枷示。雖遇熱審及封印期內。
仍照常枷號。如限內開發完竣。方予省釋。頂戴
一併開復。若限內不能開發完竣。送交刑部。將
該犯照例擬軍。不得輾轉再行討限。其票存錢
文。仍行文原籍。追產賠交。並令互保之四家。代
為開發。○咸豐三年

諭。錢法損益。朝廷自有權衡。如果於民生稍有不便。不

難隨時變通。若法本盡善。而塵市小民。妄肆阻撓。任意折算。實屬目無法紀。此風斷不可長。著戶部步軍統領衙門。順天府五城一體出示嚴禁。嗣後商民行使當百以下大錢。儻敢不遵錢面數目。妄行折減。使用。甚至造言煽誘。抗不收使。以致愚民相率猜疑。即行拏交刑部。從重治罪。○六年

諭。制錢大錢相輔而行。豈容任意低昂。近日大錢漸見流通。而各錢鋪開發錢票。並不搭用制錢。以致民間零星日用。諸多窒礙。自應亟籌變通。以期盡利。嗣後京城各官號。開放兵餉及開發寶鈔。凡兵民到鋪取

錢。每京錢一吊。均著搭用制錢十分之一。其民間錢鋪開發錢票。並著步軍統領衙門順天府五城出示曉諭。一體遵照。不得專用大錢。僅有姦商不遵搭放制錢之數。及將制錢收買。出京漁利。並擡價售賣者。即著各衙門嚴拏懲辦。其錢數不及京錢一吊者。或用大錢。或用制錢。悉聽民便。至阻撓大錢。前經定有罪名。仍著該地方官實力訪查。以重國法而利民用。

○九年

諭。御史徐啟文奏請嚴禁私銷私鑄以通錢法一摺。據稱京師現行之銅。當十錢最為饒裕。近日驟行短絀。

推原其故。京中銅當十錢。僅抵制錢二文。若改鑄制錢。可得三四文。必有姦民牟利盜銷改鑄之弊。至通州天津等處。行用銅制錢。每聞挑選大小厚薄。如無私鑄攙和。何由妄生區別等語。盜銷盜鑄。本干法紀。况私錢日多。則官錢日少。於民用大有關係。著順天府府尹直隸總督派委妥員認真稽查。如有前項之徒。即行嚴拏懲辦。毋得任聽吏胥藉端騷擾。以重錢法而利民生。○又

諭。近日京城關閉錢鋪。總因姦商於開設之初。已心存詭騙。迨出票既多。驟然歇業。無盜賊之名。而有其實。

為害閭閻。殊屬可惡。著該管地方官查明虧欠若干。交刑部嚴追治罪。其匪徒搶劫錢鋪之案。著步軍統領順天府五城一體嚴拏務獲究辦。並著順天府五城查明京城內外共有錢鋪若干。嗣後應如何予以限制。酌定章程具奏。以杜弊端而安民業。欽此。遵

旨議准。京城內外挂幌錢鋪無保者三百八十九家。有保者一百二十二家。通計五百一十家。足敷軍民兌換。即以此作為定額。不准再有開設。以清弊源。其餘未挂錢幌之鋪。勒限兩月。開發票存。摘去兌換銀兩招牌。不許再行出票。其間互

保錢鋪。不無關閉。責令按限補保。如有保錢鋪
關閉。虧空票存開發未完。向照誑騙財物計贓。
准竊盜論。其互保各鋪。責令照數分賠。限滿不
完。照本主減一等治罪。如互保之家。於一二月
內。同時關閉。顯係先期約會。居心更屬險詐。票
存錢文。限滿不完。應准竊盜論。送部計贓。加一
等治罪。至無保錢鋪開設年久。若概令從新取
保。未免紛擾。應照舊章免保。惟既無互保。將來
或有關閉虧空。不能依限開發完竣。應將應議
罪名。酌量加重。應准竊盜論。送部計贓。比有保

錢鋪加一等治罪。

豫備公事。○雍正七年

諭京師大興宛平二縣知縣。常以虧空被叅。朕體察其故。二縣在輦轂之下。每有一時急辦公事。不能遲緩者。止得挪移庫帑以濟用。而支領還項。未免耽延時日。其上司察知庫帑有虧。不得不照例叅劾。此等虧空。實有可原之情。朕體恤臣工。不忍聽其因辦公而遭罷黜。為思備用之道。著大興宛平二縣各領戶部銀萬兩。永遠存貯。遇有速辦公事。詳明府尹動支應用。俟支領銷算之時。仍復歸還原項。歲終報部覈銷。如此

則辦公有賴。備用有資。僅再有虧空國帑。或藉名擅動備用銀者。定從重治罪。

募役。○順治初年定。各

壇

廟壇戶。廟戶。庫夫。所夫。均由太常寺咨府。飭各州縣僉送農民充役。一年更代。每名月給工食銀五錢三分。各於該州縣支給。惟

先農壇壇戶工食。由太常寺支給。○乾隆六年。獲准壇戶。廟戶。一百三十九名。庫夫四名。犧牲所夫二十七名。惟

先農壇壇戶。向給耕地。不給工食外。壇戶廟戶庫夫。所夫一百五十名。每名月給工食銀五錢三分。每年每名計給銀六兩三錢六分。犧牲所所夫二十七名。令大興宛平等二十七州縣各募一名。壇戶廟戶庫夫一百二十三名。令大興宛平等二十七州縣各募六名。良鄉固安房山永清東安三河武清寶坻遵化薊州等十州縣各召募五名。香河甯河文安霸州大城順義懷柔等七州縣各召募四名。保定平谷密雲玉田豐潤等五縣各召募三名。共數一百五

十名之數。由府轉送太常寺。分給應役。照例一
年更換。○四十六年

諭校尉人等。仍令籍隸大興宛平者充補。原為京城民
人。得藉有生計起見。今一年有餘。無人應募。恐係順
天府屬吏役有需索情事。致伊等不願充當。嗣後召
募校尉。著鑾儀衛會同順天府尹妥協辦理。○五十
一年

諭嗣後五城自行召募。件作應用。不得復向順天府借
撥。○嘉慶八年

諭順天府奏鑾儀衛出有民校尉各缺。請仍飭交本衛

責令現役自行召募。飭縣取結等語。鑾儀衛挑補校尉。大宛兩縣既無可充役之人。若責令現役自行召募。於投充後。飭取兩縣文結。其所開籍貫住址。諒亦未盡確實。仍屬具文。因思鑾儀衛本設有旗校尉。其民校尉額缺。雖相沿舊例。但現在既無堪以充役者。而內務府閒散內未挑差使之入甚多。何不即於此內挑補足額。著交軍機大臣內務府大臣會同鑾儀衛詳查妥議具奏。欽此。遵。

旨議定。民校尉現出五十餘缺。無人應募。應由內務府閒散內揀補。所有世習其業承充日久之民尉。

自未便遽行更換。俟有此項缺出。充補無人。即行文內務府咨送挑補。庶額缺不致久懸。而旗民均無失業。至每月食錢糧九錢五分五釐及七錢者。得項未免較少。凡遇有一切祭祀典禮。自應全數備用。其餘雜項差使。應由鑾儀衛辦事處。設立名冊。以次輪派。至內務府閒散充補。校尉後。差使有誤。即撤回懲處。以歸覈實。而杜弊端。

和雇○雍正十年

諭。京中運送軍營之器械甚多。驛站雖備有官車。不能

敷用。不得不雇募民車。寬裕給價。惟是官吏奉行不善。每於數日之前。即將商民之車。拘集驛站地方。令其守候備用。至起運之日。始給運價。其餘耽閣之日。並不准算。以致商民探知信息。即皆遠避。行旅畏懼不前。不可不嚴行禁止。可詳悉定議具奏。欽此。遵

旨議定。軍營器械。據承辦運糧商人代保。令車戶運送。照兵部定例給價。至公事需用之車。交與大興宛平房山三縣雇募。內務府酌量公事之緩急。用車之多寡。先期行文順天府轉飭該縣等和雇。不必定以五日之限。止須加給二日草料銀。

作正報銷。再定例雇募民車行走之時。日給銀七錢二分。在途住歇之時。日給銀五錢二分。今酌議如遇回空之差行走十日者。以七日計算。每遇召募於起程前一日。給以工價。○乾隆二十九年奏准。凡遇

聖駕巡幸。需用車輛。交順天府照增定價銀覓雇。每輛每日行程一兩。住宿八錢。其守候兩日。每日給銀五錢二分。回空每日給銀三錢六分四釐。

○三十四年

諭。辦差備用車輛。從前原係順天府之事。後因經理不

善。改為內務府莊頭承應。後又經內務府奏請改歸順天府雇覓。已省莊頭專辦之勞。且伊等既隸居順天州縣。所拴車輛。即與民車無異。遇有差務。自應一體受雇。若云莊頭之車。地方官不當過問。則莊頭等且將暗中取利。代隱民車。包攬影射諸弊。無所不至。幾於境內無可雇之車。設順天府袒護民人。專雇莊頭之車。應用。則咎在順天府。一經發覺。自應重治其罪。今閱摺內所敘內務府咨稱原奏止言民車。則莊頭車輛。不應一體受雇之語。可知顯係內務府官員曲庇莊頭。巧為開脫。現交內務府大臣查明辦理。嗣

後遇有官用車輛。著順天府於民車雇用十分之七。莊頭車雇用十分之三。俾免偏枯而協平允。○五十二年覆准。通州張家灣車行經紀一名。永遠裁革。至張家灣向有車行經紀一名。專辦各省解京鉛斤顏料紙張等項官貨。准其仍留辦理。責成該處巡檢。就近稽查。其商民覓雇車輛。並歇店堆房等物。聽民自便。不准影射包攬。僅有朋充把持滋事。即行嚴究裁革。如該巡檢徇隱不報。一併叅革。○嘉慶七年

諭。木蘭行圍。為秋獮大典。我朝

家法昭垂。舉行已久。所以習勞肄武。款洽外藩。况行園
不過十餘日。仍照常辦事。看本。非若前代之盤游田
獵可比。若以行園為從事游觀。則朕駐蹕圓明園。如
附近之清漪。靜明。靜宜各園。較之避暑山莊。更為清
愜。人情好逸。惡勞。孰不樂深居簡出。朕特因典禮所
關。

祖

宗成。憲具在。不敢自朕而稍形怠曠。是以本年春間。即
降旨舉行秋獮。乃汪承霈於前日召見時。面奏順天
府屬雇車掣肘。咨商直隸總督協濟車輻。已露為難。

之意。昨又具摺奏請停止行圍。據稱本年麥收分數稍減。民力不無拮据。並稱

高宗純皇帝臨御六年。始舉秋獮。今親政甫及四年。即再緩一二年舉行。亦不為遲等語。殊不成話。向來蹕路所經。除道成梁。均有例給經費。從無累及閭閻之事。此次直隸麥收。據熊枚奏稱。通省牽算。實有七分。不為歉薄。若如汪承霈所言。則必待十分豐收。方可舉行秋獮乎。上年偶因雨水盛漲。道路橋梁。間多衝塌。降旨停止。此係非常滂災。萬不得已之事。豈可引為常例。屢事展期。何以取信外藩諸部耶。至協濟車

輛一節。汪承霈面奏後。當即降旨詢問熊枚。本日據熊枚覆奏。此次順天府應雇長車。直隸各屬除照向例幫價四千兩外。加增銀一千兩。解交大宛兩縣就近雇備等語。是順天府此次雇覓車輛。直隸有增貼銀一千兩。自不致辦理維艱。而朕於應行裁減之處。已飭所司大加刪減。更可節省。况從前順天府按例雇辦車輛。本有舊定章程。此次行圍車輛。著順天府照例雇辦。若實有礙難辦理之處。著汪承霈等詳細分析。據實覆奏。儻經費不敷。亦不妨奏明請旨。毋得因循疲玩。再有推諉。○光緒十年奏准通州車頭籍

差滋擾。改設官車局。將津貼各項。悉數歸公。永革車頭名目。另立公所。遴委賢員。會同紳士。妥為經理。所有應差之車。先由局自行置備。車馬支應尋常無多之用。其需車較多要差。令將各車編列號次。輪流雇用。應給車價。責令按日按站實給。統由官車局官紳經理其事。不假丁書之手。仍隨時嚴密訪查。如再有妄擊車輛情事。一經訪獲。定即從重懲辦。

施恤。○廣甯門外建普濟堂一所。以賑養孤貧廢疾。官民之樂善者。以時捐施銀米衣襦。則均

而散之。冬月則收養於堂。煮粥以賑之。○廣渠門內建育嬰堂一所。民之生子女而不能舉者。則收而哺之。皆登於籍。有抱養以為子女者。亦登於籍而與之。崇文。宣武。東直。西直。安定。德勝。各門。皆設坡房一所。以收殤兒之力不能埋者。置牛車三輛。送於堂之埋嬰園而瘞之。○康熙三十四年。

聖祖仁皇帝御製普濟堂碑記。○四十四年。

敕賜扁額。○六十一年。

賜普濟堂銀一千兩。是後歲以為常。○雍正二年。

諭順天府府尹京師廣甯門外向有普濟堂凡老疾無依之人每棲息於此司其事者樂善不倦殊為可嘉聖祖仁皇帝曾賜額立碑以旌好義爾等均有地方之責宜時加獎勸以鼓舞之但年力尚壯及游手好閒之人不得借名混入其中以長浮情而生事端又聞廣渠門內有育嬰堂一區凡孩穉之不能養育者收留於此數十年成立者頗衆夫養存孤少載於月令與扶衰恤老同一善舉為世俗之所難朕心嘉悅特頒扁額並賜白金爾等共宣示朕懷使之益加鼓勵再行文各省督撫轉飭有司勸募好善之人於通都

大邑人煙稠集之處。照京師例察而行之。其於字弱恤孤之道。似有裨益。而凡人怵惕惻隱之心。亦可感發而興起也。○乾隆四十八年。

賜普濟堂京倉小米三百石。是後歲以為常。○嘉慶四年定。每歲冬季。

欽派滿漢御史各一員。監放普濟堂飯廠。○七年

諭京師城外普濟堂功德林留養貧民。向例以清明節為止。本年著再展限一月。俾窮黎多資果腹。以示朕恩施無已至意。○又

諭上年近京州縣被水較重。至今文安霸州積潦未能

全消。本年河間一帶。又有蝗蝻滋生。恐民間生計未復。待食維艱。著加恩將普濟堂五城飯廠移前十日。於九月二十一日照例開放。俾無業貧民得以早資糊口。其普濟堂所用煮粥米石。即著賞給小米三百石。以示格外軫恤至意。○又

諭普濟堂地方。為京城往來通衢。今就食人數較多。恐經費或有不繼。著加恩賞撥銀五千兩。交順天府酌量生息。永遠作為經費。以資接濟。○同治五年奏准。於每年賞給普濟堂小米三百石外。加賞小米五百石。分給功德林一百五十石。並由崇文門

稅課司撥給功德林經費一千兩。著為定例。由順天府派員輪管。○又議准將五城飯廠加展兩箇月。順天府於五城適中之地添設飯廠一座。照五城章程辦理。○光緒七年

諭廣安門內廣仁堂收養無依童幼。並分助守節婦女。常年經費不敷。著加恩賞給小米三百石。以資接濟。○八年奏准甯河縣船捐糧捐撥歸廣仁堂以充經費。

